

沈乃文主編

明別集叢刊 第二輯

第四十七冊

黃山書社





國家出版基金項目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第四十七冊

黃山書社



(明)駱文盛 著

兩溪先生遺集七卷詩餘一卷

明嘉靖三十九年王健刻本



兩溪駱先生詩集序

武康為吾隣邑經所識封禺蓋其鎮山而
餘英溪流天目枝山之落英即樂府所謂
前溪也其為勝域如是蘊含旁薄乘其奇
而鍾其奧豈無足以當之者哉蘇梁間多
金紫貴人人品弗叙屬賦朝野至相肩摩
然太白所謂綺麗不足珍者正謂如沈休
文之屬即其派風誠蔑如已斯何足云唐
貞曜孟先生郊其庶幾足以當之揭德振
華昌黎先生為誌之於洛東所謂維執不
猗惟出不訾維卒不施以昌其詩誠茲邑
所鍾之特懋者後七百餘年仍有人焉兩
溪駱公是也公名文盛字質甫少岐嶷神
超色夷年四十餘仕為翰林編修嫺文詞
而勵操行自相公以至同館之士無不由
中心嚮慕之者一日乞疾還兩溪間期滿

兩溪先生遺集

序

一

兩溪先生遺集

序

一

不復赴館稍以詩文自娛亦不以取譽
世介特自將居處蕭然一介取予真無有
以累平生者館閣故人時貽書彊之俾起
公但自笑謝不能起其所存可概見也公
所為詩冲澹爾雅辭句整秀惟其直寫情
素故得如其為人第取譽庶故詩不強吟
吟亦不多也不施而昌詩貞曜特懋非公
漫誰繼之竊謂貞曜在唐平生畸困然嘆
老閔窮甚則逼窄天地鈎章棘句至於指
擢胃腎可謂悲且勞矣公獨於遘逢榮盛
之日退處悠然歲屢空乏無不自適發摠
性靈不事彫刷詩篇率類有道者之言自
有可傳貞曜乘一邑之間氣而公乃備貞
曜之未有後之考乘徵詩尚論其人吾又
知其必有韓也已公子鳴鑾嘆公之篇章
既不若構而又流散者多沒後數年竟類

之可占猷嗣公文汝楠携公集來宦江
西守饒州王君健舊令武康最為知公得
集刻而傳之如不及嗚呼生而乞閒死而
甘朽之人使人汲汲傳其緒言風固可想
傳之者其秉尚復何如哉

明嘉靖庚申夏六月

賜進士第中奉大夫江西等處承宣布政
使司左布政使德清蔡汝楠撰

兩溪先生遺集

序

三

兩溪先生遺集卷之一

武康駱文盛質甫著

德清蔡汝楠子木評

閩漳浦王健于行校

不肖子鳴鑾謹輯

古樂府

自君之出矣

自君之出矣無復玉階行思君如蔓草剪去又還生
自君之出矣不記別離時容華坐銷歇那復繫君思

兩溪先生遺集

三

上

自君之出矣忽忽歲華遷迴文空自織誰寄到君前

戰城南

胡風衝塵蔽天黑曉戰城南暮城北城南披靡城北關易
將軍素號萬人敵一朝遇虜心膽慄何況疲兵與羸卒君
不見黃金鑄印空纍纍城邊白骨翻成堆

燕雀行

吁彼燕雀爰集于堂載飛載鳴其樂洋洋樂可以極弗可
以長堂罹于災巢亦摧傷人謂燕雀將同厥殃燕雀嘻嘻
以翔以翔主人有言燕雀罔聞以安厥棲豈無東隣

評曰有逸致

評曰有逸致

行遣酒勸君一飲須數斗醉鄉風味君知否此中不異無
何有我欲從君覓杜康杜康之族森兩傍梨花白對鷺兒
黃金盤玉露何滾滾鬱金香噴琉璃光朱繡三千酒一石
牀頭金盡何足惜但令我醉無慮日世間理亂耳不入何
况升沉與得失古來賢達誰最名唐家李白差可稱舒州
之杓力士鏘直欲與之同死生君不見規行矩步徒俚俚
低眉摧顏復可憎腐儒棲棲抱一經白首落腮嗟無成不

兩溪先生遺集

七

如飲酒稱意氣凌轡一代誇豪英風流至今猶在日千載
何人踵芳躅勸君莫作兒女顏我亦撫掌隨君歡勲名鍾
鼎且勿言富貴過眼如雲烟閑風玄圃路渺漫流鶯語燕
非所憐青山綠水滿目前山鳥山花依我簷我歌激烈君
舞翩跹狂呼傲睨兩不嫌劇飲只如鯨吸川幾迴白眼問
青天此時此日真何年

臨高臺

臨高臺臺高幾千尺下有洪流深不測昔人臨之車仆馬
人壽幾何須自惜且莫凌風射黃鵠我欲言之心怵惕

吁嗟乎我欲言之心怵惕

從軍行

自小慣從軍不解從軍苦男兒貴立勲寧須戀鄉土

梧桐行

鬱鬱梧桐樹枝幹直以繁托根幸得所南岡勢嶄巖雨露
日益滋穠陰滿前山詎期漂秋至西風忽摧殘材美誰復
收棄之道路間不若橫與棘翻蒙匠氏看睹此三歎息歸
來涕汎瀾

黃頭郎

兩溪先生遺集

三

黃頭郎爾胡弗思時至天子顧時去野人喚郎知鑄銅無
了時入口騰蛇郎豈知

班婕妤

秋風時颯颯秋草復離離自是容華歇非關君寵移

行路難

山可梯水可航山有太行水瞿塘舟車一旦失其利顛覆
往往溺與僵我思山水本無惡衡門棲遲安且樂君不見
風波平地起千尺轉眼峯巒增突兀子淵拾塵同門疑曾
參殺人毋猶惑噫吁嚱噫噫噫世路憂孔多古人扼腕今如

何

驅車復驅車

評曰古意

驅車復驅車驅車向何方車輪未應遠無奈車塵揚
驅車復驅車羊腸坂詰曲不惜馬足勞但恐車折軸

有所思

昔張平子有四愁余小子乃有四思嗟乎惟思故
愁惟愁故思其情一也若夫辭有妍媸固有所不
計云

兩溪先生遺集

評曰四愁蓋少陵同谷之調

四

我所思兮天之東泰山巖巖高入空群峯環列尤龍從通
路阻絕何由通海中別有蓬萊宮雲氣日夕常濛濛跋子
望之杳無蹤歸來閉門心忡忡君不見兮涕沾眉

我所思兮天之西青城峨眉天與齊流砂滾滾砂塵飛草
木陰鬱氣慘悽白日不睹明星稀虎豹哮吼狐狸啼跋子
望之路轉迷歸來閉門心頗摧君不見兮涕沾衣

我所思兮天之南南荒風日常炎炎黃茅瘴癘不可干長
蛇巨虺紛糾纏猱獠出入戈矛攢殺人不異草與管跋子

望之道路艱歸來閉門心悲酸君不見兮涕汎瀾

我所思兮天之北黃沙白草渺無極層氷戔戔數千尺陰
雲慘淡日無色胡兒中夜吹箎篳豺虎聞之亦闚易跋子
望之心膽慄歸來閉門增歎息君不見兮涕沾臆

猛虎行

行人停車且莫前有虎有虎山之南黃鬚白額文班班聳
身掉尾威赫然不向深林飽鹿豕往往咆哮近城市昨宵
已攫西園翁今晨復斃東隣子獵夫負弩不敢張壯士失
色走且僵邇來得意勢轉劇白日亦踞居人傍虎兮虎兮

兩溪先生遺集

五

胡不仁遘此荼毒寧無因城隍土木豈足賴靈應敢望山
之神君不見漢家吏有循良績群虎相將渡河北從來和
氣能致祥况爾一誠能感格噫吁嚱斯人不作胡為乎上
帝好生真有無誰為排雲扣閭闔仰首日夕空號呼

俠客行

古有游俠子逸氣何翩翩雄心激萬葉奇論傾四筵朝移
楚國柄暮奪秦相權片言五城返一咲千金捐海內懷高
蹤侯王思執鞭慷慨有餘烈節立名亦全却咲蓬蒿士窮
年抱遺編

折楊柳

沙頭折楊柳楊柳絲千結忽憶閨中人淚滴寒襟敵

筵筴引

瀟瀟河流深不測兮公行渡之須舟楫兮風波浩浩勢滔天兮公竟渡之死無悔兮

又

河之廣兮不可以浮公行渡之惟楫與舟嗟嗟舟楫匪具兮不可渡公不信兮死亦何故

七禽言

兩溪先生遺集

天

六

泥滑滑十步九却不信世間塗路惡且看此泥滑滑

不如歸去江南不可住西川有大路不如歸去

脫褲脫褲莫脫褲一脫難更著新褲不如故

行不得哥哥山前山後路坎坷請君迴車意若何

提壺蘆沽酒勸君不厭多君性不飲當奈君何

播穀播穀首春力作秋望熟私貸官逋正督促

姑惡姑惡姑不惡姑不汝信謠疑並作汝盡汝心姑心自

樂

兩溪先生遺集卷之二

武康駱文盛贊甫著

五言古詩

出門

丈夫湖海志遠行何所辭出門慘不樂此情誰復知黯黯赴長道東西竟何之封禹多白雲回首空踟躕

書蒙教餘哀卷

淒矣孝子志傷哉蒙我篇有親不得養抱茲長恨端哀兮有深感讀此涕汎瀾當時及門人掩卷無歡顏葉君純孝

兩溪先生遺集

七

徒曠世同悲酸椿萱蚤淪謝歲月忽復遷古木號悲風蔓草荒寒烟時去嗟婉婉哀來摧肺肝江河那能枯血淚那能乾倚與古人行卓哉與齊肩我生亦何害父歿童稚年作詩詠孝思投淚增長歎

維揚舟中贈別

相見嗟已晚別離更匆匆人生如路岐恍惚西復東君行赴石城揚舠趁天風我向茗川歸夜月明孤蓬同心話未已對酒何忡忡羨彼韓孟侶相從若雲龍

送友人之江右大令四首

江上雨初霽西風委群芳別離當此時黯黯中自傷之子
舍我去匆匆戒舟航我有盈觴酒送之清溪傍酒盡爲君
歌歌聲一何長知音日已遠引領徒慨慷

其二

濛濛山中雲森森川上水雲水何迢遙相望忽千里驅車
清塵揚挂席長風駛豈不厭馳逐王事不遑處行矣莫蹉
跎彼民正延佇

其三

賦峯古石色鬱鬱群峯攢民風久已漓出宰良獨難君才
自利器試此盤錯間烹鮮念彌勤食檠操自堅遠圖懋芳

烈高駕抗昔賢千古有遺愛希君無媿顏

其四

葛藟相糾纏鴻雁慕儔匹繫我同袍友胡茲千里隔有
民社寄而我困蓬蒿丈夫務遠大離別詎遑惜但期百年
內勉勉崇令德矢心諒不渝如彼金與石

館中書懷

涼風颯然至虛室氣蕭爽無營時掩關卧起樂閒敞琴書
森在御枕木恆幽賞覽觀黃虞蹤邈爾動遐想時發詎足

詩陰晴互來往

對菊小集次季泉孫太史韻

嚴霜下中庭秋杪氣逾肅瞻茲衆芳委歲終獨黃菊主人
在凝姿對此良不俗佳客紛來過清標炯寒玉慷慨披情
素惟呼對醺醪耿耿夜忘寐相看共華燭言念塵中鞅青
春競馳逐策勲苦不早白日去何速撫劍發清歌音響厲
以低緬懷東籬人那由踵遐躅

送沈令之任元氏

渺渺元氏路匆匆使君輶炎暑正茲候驅馳一何勞閒適

豈不懷民病方嗷嗷我有盈觴酒餞子城東郊別離詎足
歎但恐年華銷邁矣龔黃勳古訓良亦昭努力懋芳烈跂
予心切切

東溪

道人瀟灑姿愛向溪頭住溪流一何長洋洋日東注疎烟
起茅屋和風襲芳樹翩翩白鷗群下我垂綸處煩襟一以
蠲玄經獨堪註

歸田

評曰冲雅通彭澤

多疾蒙恩賜歸田嬾向城中居別構在南村
山如有情對我軒窓前曉看山雲出暮看山雲還居諸足
自適何用窮躋攀

又

三徑未擬開為園繞一畝蒔菊傍東籬種松當北牖嬾讀
架上書時引牀頭酒佳客遠莫招且從畊牧偶沉疴瘵以
瘵風心幸不負

採菊

採菊復採菊西園風露繁芳叢忽盈把詎知襟袖寒採之

兩溪先生遺集

十

欲何為聊以供晨食主人藜藿姿澹泊恒自使矧聞神農
書餌菊堪延年何須覓靈品遠躋三神山

採杞

春雨晚來過緬馬東籬傍野芳忽蒙葦杞芽亦已長呼兒
試採掇以濯復以湘妻孥相與嚼欣然一充腸言念屠沽
兒酒肉盈豆觴鮮醲豈不快厚味多自戕所以古達士終
身遠膏粱

山行

評曰又似昌齡

愛此山中幽短筇行自往平郊草似熨深谷雲如貯泉探
雨過時路覓僧歸處恍惚聞濤聲風吹古松樹

送程午槐明府入覲

西風動林樾征帆泝雲濤悠悠潞河駛望望燕山高豈不
憚馳驅念此川塗遙我有盈尊酒送君向東臯別離詎足
歎予心實切切徘徊眺原野生計何蕭條弱子離慈母旦
夕聲嗷嗷君行日已遠撫字誰當勞何因返君駕臨風首
頻搔

談星

談星者誰子自言術頗精窮通與得喪一一皆可憑我命
君莫談我心本無營功名力不任富貴人所輕矧茲禍興
福倚伏由冥冥趨避良獨勞委運心自寧從古有明訓天
道遠難徵

漫興

釣魚臨清溪採薪入深林採釣有餘閒時撫松間琴清風
颯然至明月非招尋適耳已成趣何必求知音

讀延生集

評曰建者之言

適俗韵自少愛山情頗多邇來南山下卜築當巖阿檻外
倚修竹牆頭纏女蘿鵲鵲叢柱陰鬱鬱喬松柯清泉日夕
流好鳥鳴相和展書坐磐石書中意如何延齡與養性要
在蠲煩苛長生豈敢慕慶以痊沉疴

雨溪先生遺集

十一

雨溪先生遺集卷之三

武康駱文盛質甫著

七言古詩

游元符宮值雨

評曰有意興

笏山之上何者宮元符奕奕碑露崇棲臺隱見數十重瓊
華琪樹紛蒙茸綠崖越壑至其下清磬聲落煙霞中青衣
童子引我入恍惚路與丹霄通爐烟杳靄晦白晝幡蓋旖
旎颺春風煩囂不聞石壇靜惟有雙鶴鳴高松曲廊深院
更窈窕羽衣僊客欣相逢山厨不厭飽薇蕨亦有茗碗時
時供天風吹雨倏然至敲書雷電驅神工濛濛雲氣四叢
合咫尺望眼迷西東俄間雲收雨亦散一洗萬壑埃塵空
今宵許借石牀卧清夢會統蓬萊峯

馬孝子廬墓歌

長安客舍逢溫造對我時談馬生孝親亡涕淚何所營日
夕奔走荒山道荒山宿莽多嚴霜結廬乃在松楸傍乾坤
俯仰太偏側歲序流易真茫茫白楊枝頭風颯沓時有白
鳥枝上翔含悲夜夜啼不息似與孤兒增斷腸言來孝感

雨溪先生遺集

十一

良不偶砥柱頽波世希有紫芝白兔詎足環天遣令名傳
不朽吁嗟乎馬生自是儒者真立身行道會有成者君錫
類且不置寰宇坐使仁風行

東孺人輓歌

有母有母閨中英百年志操堅且貞哺雛寧辭拮据苦和
丸無助冰霜清猗與令子才華士萬里青雲能自致待
詔時應瓊閣越承恩會有金蓮賜錫典初蒙聖主
仁翟暈霞帔相鮮新那知樹定風不靜倏忽慘怛來哀音
嗟嗟昊天胡不慙乾坤情事那能盡列鼎空憐此日思遺
南溪先生遺集

山館偶題

主人愛水無愛山水山盡日相盤桓時聞鑿與山水隔便
覺塵垢蒙心顏買園今幸近山水清景不礙軒窓前平生
心事差足慰好枕岩石聽潺湲

苦旱行

甲辰六月

夏令已過芒種日江南農務村村急連旬不雨可奈何一
望平疇土皆赤青秧稿死不得執農人空抱耒耜泣去年

種種傷淋潦前年穰種侵蝨賊妻孥一飽果何期忍死

嗷待蠶麥詎意經春雨不休麥爛蠶苗兩無獲蕭然一室

如磬懸私負官逋仍併迫典妻鬻子聊自寬準擬今秋禾

稼實雖然未遂家室慶庶使創痍暫蘇息昊天茫茫豈不

仁降割頻年意叵測火雲日日當空流鏢石燔金勢逾劇

倉皇闕境走童稚偃僂連村顛斑白公私奔告已無路旦

夕焚香乞神力琳宮禮佛信茫昧水廟迎龍竟何益富家

猶患枯槁苦貧民束手真無策奄奄氣息寧久延日望官

司散儲積高牙大素者誰氏往往秦胡視肥瘠稟粟空令

鼠雀耗帑錢但使萑苕蝕散財煮粟香不聞勸募無從翻

閉糴流離死徙姑勿論却恐兵戈起阡陌病夫守拙寡生

事一家數口猶艱食痲痼豈不切我身薄劣空憐濟無術

但願皇天一霽威愍然下拯蒼生厄雨師加譴風伯殛旱

魃明明賜誅殛陰雲自爾興巖巖甘霽湏臾徧原隰焦植

頓覺回生意坐看嘉禾穎還粟刈獲寧辭筋力勞謳詞共

喜倉廩溢此身已分溝壑填何事重沾太平澤

聖主無復東南憂廊廟且逕調元責呻吟之聲靜四壁我

病亦堪安枕席寸衷耿耿誰與論扼腕長歌淚沾臆

前山歌

主人愛山山不遠卷簾惟見山當眼藹藹行雲日夕間
漾空翠軒窓滿引泉剗竹來何遙斲苓荷鍾風蕭蕭山間
麋鹿日相狎短莎細石同游遨黃金臺前塵十丈不見前
山空悵望芒鞋竹杖會有期結廬擬共於陰傍

八仙慶壽圖引

我聞滄溟之水深復深水中島嶼何嶙峋樓臺杳靄煙霧
隔仙客隱見難招尋誰哉畫手仙之裔真境圖中宛相似
紫雲冉冉天風輕群仙縹緲來何許張耶呂耶骨格奇前

兩溪先生遺集

瞻後盼相扶攜風吹白氅影離離日照青蛇光陸離古木
翻翱翔舞鶴瑤峯燁燁生華芝誰言虛幻竟茫昧別有天
地夫何疑披圖不覺心顏爽懸向君家壽筵上佳氣蔥蔥
藹簾幙如雲彩袖何飄颻霞觴進兮春顏酡仙骨聳兮高
嵯峨即看乘風吸沆瀣紫鸞同跨游蓬壺

秋熱遣悶

六月不雨更七月七月中甸今已浹幾番霖霖僅沾灑萬
里那能解炎熱神龍不起重淵下坐使焦枯盡焚爇層冰
千尺信有無袒走狂呼病增暍

惠山泉歌訓秦古修學博

我昔飲中濡之水金山之巖勝名自謂無虛傳南來復飲
惠山下水味迥過中濡前廼知古人評品有未當今我更
置應無嫌遂以惠山之泉為第一中濡不得仍爭先歸來
久卧碧山麓病暍往往增紆煩良方百試不一効要頂滌
茲山泉廣文先生惠山客幾度來訪心余憐遂令貯泉滿
石甕千里載以梁溪船僕夫舁之入我室一見豁爾開心
顏驕陽三伏正茲候矮屋何處避朱炎紆煩無那日加劇
霜崖雪壑心空懸茲泉何幸一朝得入口不啻層冰寒須

兩溪先生遺集

十七

史齒頰盡森爽涼颼習習生吟肩沉疴悠悠亦去體心腎
脾肺俱冷然柴門不啓晝逾靜湘簾一任攤書眠啣杯莫
漫稱聖賢列鼎徒自誇芳鮮野人從來薄滋味飲水更覺
心相便泉乎爾幸不我棄與爾共結平生緣吁嗟乎廣文
爾我氣味實相似遠道致此情何處會應卜築依爾室飲
泉淪茗白首同卧蒼山巔

有鶴篇

有鶴有鶴來從海上之三山羽儀脩脩潔且鮮乘風飛度
蘭巖前饑飴潭臯栗渴飲溶溪泉豐毛踈肉體骨堅二雛

志何翩翩奮翮直須凌紫煙宜與鸚鵡同翔鸚鵡兮鸚
兮徘徊不異蓬壺天虞羅弗驚意自便長生美噐千百年
薰風堂上列綺筵葵榴花開紅欲燃洋洋仙樂雲中傳劍
珮彷彿來群仙璠桃礪砢堆玉盤瓊花瑤草何芊芊山人
日抱山雲眠捧觴未許仙班聯赤羽箭青琅玕何因薦之
壽掌邊新詞聊寄有鶴篇

靈萱引

春暉堂前景正長歲時惟見萱花黃靈根天培歲月久那
遣寒沍來冰霜青陽輝映騰鮮潔接芳榘英堪佩結熏風
拂拂吹絳囊縹緲庭帟香不絕歲歲開筵對此花花枝舞
袖紛交加華琚雜沓鳴蒼玉文帔翩翻鮑紫霞鬱葱佳氣
簾櫳曉仙馭雙雙下青鳥長生那更覓金丹酒不盡芳花
不老靈萱一闋歌未央絕勝雲和奏瓊島

賀丘紫梅親翁得子

瞳矇曉日開簾櫳庭前佳氣何葱葱長庚昨夢光映空奇
祥奚啻占熊羆章芝煒燁迎春風綺筵開向群葩紅衣冠
雜沓珊瑚叢主賓歡洽春杯濃百年姻誼欣戚同好音令
我心神融勝會未逢湯餅供祝辭聊爾傳詩筒慶源自信

來何窮滾滾佇看侯與公

夏日竹林漫興

道人自是山林客蚤向江湖滯行跡卅年覺悟方歸來重
入山林寄幽寂小園竹樹初長成坐見繁陰滿簷隙炎天
赤日午不知况有清風滌煩鬱道人無事時閉門但向竹
根施几席兒童不用供壺觴淪茗焚香聊永日踈狂自乏
唐晉風漫擬七賢并六逸

王翁畫小山為施璉川太守賦

誰人寫此一拳石望中氣勢何龍蹏神剗鬼削不可測恍
惚劈破蓮花峯平生愛山已成癖展卷不覺心神融世間
真山自不少奇崛似此常難逢主人寶此異瓊玖旦夕懸
向茅堂東何須千里事攀躡卧游日在空濛中

題畫

評曰似岑嘉州

邇來畫品誰最名江夏往往推吳生吳生已矣筆蹤絕偶
見此圖差可悅山容黯淡雲霏靄巖前老樹枝披離峯迴
谷轉路欲迷斷橋流水行人稀中有幽人寄幽躅閉門日
與雲俱宿衣冠豈是陶家村花竹還疑子真谷山風隔澗

吹雨來山童門前掃綠苔南隣有客不知姓相與日舉花
前杯道人素抱山水癖幾度披圖增歎息桃源何處可移
家好向圖中覓踪跡

松竹梅引壽吳西園太僕

君不見徂徠之上蒼髯翁望中丰骨何龍巖淇園之族更
蕭灑直節挺挺凌高空亦有羅浮夫人行皎皎獨抗冰霜
容相逢共結歲寒侶不與桃杏爭春風西園老人自奇古
氣味與爾將無同貞姿雅操晚逾勁締交日在巖阿中看
君壽骨已森聳海上何必尋仙蹤歲寒之侶自相守閱千

兩溪先生遺集

卷

百世長青葱

客至

山城車馬來應少茅屋棲遲太枯稿囊中不辦沽酒貲餽
客盤餐殊草草故人自是高士流澹泊氣味何相投爐熏
茗碗坐終日欵語自足銷窮愁人生良會苦不數別去我
心翻作惡臨風莫惜雙鯉魚頻寄山中慰離索

瑤山篇

我聞白嶽東南擅形勝瑤山光律相因依芙蓉削出玉朶
朶雲日掩映流清輝瑤華琪樹互虧蔽藂桂下有幽人棲

幽人夙抱瓊瑤質晚向山中寄踪跡朝升絕磴餐紫霞夜
汲清泉煮白石混世寧同砂礫群延生那假金丹術主人
平生心好奇丘樊孰與同襟期披圖恍若接眉宇杖屨何
日相追隨

兩溪先生遺集

卷